

Republik ehf
Seljavegi 2
101 Reykjavík



Vestmannaeyjum 1. júní 2016
UST201605-123/P.V.B.
09.06.01

Efni: Umsókn um kvikmyndatökuleyfi – Norðlingaháls innan Reykjanesfólkvangs

Umhverfisstofnun hefur mótttekið erindi Republik fyrir hönd Otto Films, dags. 17. maí 2016, vegna leyfis til kvikmyndatöku við Norðlingaháls á Vigdísarvallarvegi innan Reykjanesfólkvangs þann 2. júní 2016.

Reykjanesfólkvangur var stofnaður árið 1975, sbr. auglýsingu í Stjórnartíðindum B nr. 520/1975. Jarðrask á svæðinu er óheimilt nema með leyfi Umhverfisstofnunar.

Lýsing framkvæmdar:

Um er að ræða töku á auglýsingu fyrir finnskan grænmetisrétt. Tökur fara fram á Norðlingahálsi, á Vigdísarvallarvegi um 4,2 km frá vegamótum Krísuvíkurvegar. Þar stendur til að taka upp um 80-150 metra norðan við veginn. Þar er lítill mosagróður og almennt gott aðgengi. Farið verður fótgangandi á staðin með myndavél og önnur tæki. Gert er ráð fyrir að settur verði upp lítil varðeldur á svæðinu. Um er að ræða gaseld (minni en 1 fermetri) á undirlagi úr gífsi eða steinull. Til stendur að staðsetja einn tækjatrúkk, eina aðstöðuruðu, eitt ferðaklósett á kerru, tvær litlar rafstöðvar og um 5 fólksbíla (sumir 9 manna smárútur) á sjálfum veginum, en þó þannig að einfalt verður að komast framhjá. Að tókunum koma 33 starfsmenn og 8 leikarar. Áætlað er að koma á svæðið um kl. 14.00 og klára eigi síðar en kl.22.00.

Áhrifamat:

Umhverfisstofnun metur svo framkvæmdin muni ekki hafa neikvæð áhrif á svæðið ef tekið er tillit til meðfylgjandi skilyrða.

Umhverfisstofnun heimilar fyrir sitt leiti kvikmyndatökur við Norðlingaháls þann 2. Júní 2016 að uppfylltum neðangreindum skilyrðum.

- Tilkynna skal til Umhverfisstofnunar hvenær undirbúningur fyrir tökur hefjast og þegar frágangi líkur.
- Umhverfisstofnun skal tilkynnt um öll frávik við áður útgefna verkefnalýsingu.
- Starfsmenn við kvikmyndatökuna gangi snyrtilega um svæðið og forðist allt rask.
- Allur akstur utan vega og merktra slóða er óheimill. Á þetta einnig við um slóða sem eru aflagðir og búið að loka. Óheimilt er að leggja bílum utan vega við vegstæðin. Á þetta einnig við um slóða sem eru aflagðir og búið að loka.
- Afmá skal öll ummerki um kvikmyndatökurnar á svæðinu þegar þeim er lokið.
- Ganga skal snyrtilega um svæðið og þess gætt að allt rusl verði fjarlæggt.

- Óheimilt er að raska gróðri og jarðminjum.
- Óheimilt er að trufla dýralíf.
- Gæta skal að eldvörnum svo eldur berist ekki í gróður á svæðinu.
- Kynna skal fyrir starfsfólki kvikmyndatökunnar þau skilyrði sem fylgja leyfinu áður en undirbúningur og tókur hefjast.
- Ef upp koma álitamál um framkvæmdir sem tengjast tökunum og frágang svæðisins skal hafa samband við Umhverfisstofnun.


Umhverfisstofnun bendir á að samþykki landeigenda þarf fyrir tökununum. Eins þarf umsækjandi að tilkynna framkvæmdina til Heilbrigðiseftirlits Suðurnesja og Slökkvilið Grindavíkur.


Eftirlit

Umhverfisstofnun mun fara með eftirlit með framkvæmdinni og frágangi. Innheimt verður fyrir eftirlitið samkvæmt gjaldskrá stofnunarinnar 13.200 kr/klst.

Umhverfisstofnun innheimtir gjald vegna vinnslu og afgreiðslu umsóknar um leyfi á friðlýstum svæðum á grundvelli 1. mgr. 92. gr. laga nr. 60/2013 um náttúruvernd. Gjald fyrir kvikmyndagerðar og myndatökur á friðlýstum svæðum er 52.600 kr., sbr. 24. gr. b. gjaldskrár Umhverfisstofnunar nr. 535/2015.

Virðingarfyllt


Sigrún Agústsdóttir
Sviðstjóri



Þórdís Vilhelmina Bragadóttir
Sérfræðingur